

25

Ar c'hloc'hik a iel c'hoaz en dro  
Hag ar vugale a drido  
O teski gant hon den Doue  
Penaos kerzet en hent an Ee.

26

D'ar re vras a deu d'he zelaou  
E tispleg freaz an taolennou  
Hag he laka doun er spered  
Ar gassouni ouz ar pec'hed.

27

Dom Michel en ho kurunen  
E vanke c'hoaz eur berlezen ;  
Goulen a rit beza seizet  
Evit flastra ourgouill ar bed !

28

Pa dosta termen ho puez  
Merzer a gorf, a garantez  
Gant an Ifern oc'h goall gasset  
Mes gant Mari oc'h kennerzet.

29

Goude teir bassion skrijuz  
Oc'h ene 'zav d'an Ee, skeduz,  
Divar ar groaz d'ar Baradoz  
Eleac'h m'ema ouz hor gortoz.

30

E harz ho relegou santel  
Ken enoret e Breiz-Izel  
Ra gresko c'hoas ar miraklou  
Ma kreskimp deoc'h an enoriou.

31

En deiz kaer-ma an Arvoriz  
A galoun vad gant an Iliz  
A gan, a bed hag a esper  
E savoc'h prest var an aoter.

J.-M. M.

## IMPRIMATUR

Quimper, le 1<sup>er</sup> Septembre 1897.

F. CORRIGOU,  
Vic. Gén.

Ce Cantique est vendu 10 centimes, au profit  
de la cause de Dom Michel

Brest — Imp. de la Presse Catholique, rue Traverse, 13


## KANTIK

EN ENOR

## An Den Venerabl DOM MICHEL NOBLETZ

DISKAN :

Andante



1

Dom Michel, enor Plougerne  
Hag enor Breiz-Izel ive,  
Euz ho kavel betek ho pezh } bis  
Varnoc'h e par ar Zarteiezh.

2

Ho tad, ho mam, guir gristenien  
Ho magerez e Kerodern  
En oc'h ene, bugel euruz,  
A zile karantez Jezuz.

3

Da hevar bloaz, eun Itroun gaer  
Ho rene betek an aoter ;  
Ha d'an daoulin er chapelik  
E pedac'h evel eun elik.

4

Var ho studi, e peb danjer  
Hag en ho kroaziou ker pounner  
Biskoas n'he deuz market Mari  
D'ho tional ha d'ho conforti.

5

Dre ho lignez, ho kueziegez,  
Ar pezh zo guell, dre ho furnez  
Ho poa da joaz er c'hargou kaer,  
Choazet ho peuz krouz hor Zalver.

6

Evit beza oll da Zoue  
Ha trehi kren ar vanite,  
Petra n'ho peuz ket gouzanvet  
En ho kaloun, en ho spered?

7

Tremen 'vit eun diskiantet  
Kasset da zivoal al loened,  
Setu ho stad, Michel Nobletz  
E kreiz an hu, ar goaperez.

8

An tan a skarz an aour melen,  
Ar boan a zi-kuez heb zo den;  
En hent ar groaz, c'hui den santel,  
A zesko kelen Breiz-Izel.

9

D'ar bed, d'ar c'hik, c'hui a zo treac'h  
E lochennik soul Tréménac'h;  
Ho korf a gren, mes oc'h ene  
A di' l gant eurusdet an Ee.

10

Beleg dispar, guir abostol  
C'hui vale var roudou sant Pol;  
Chenchet a greun e Plougerne  
Dre ho labour ha gras Doue.

11

E Montroulez, e bro Treger,  
Gant an Tad Quintin, ho preur ker,  
Eb aoun ebet, eb espern den,  
C'hui brezeg al lezen gristen.

12

Ho taolennou my-terius  
Hag ho sarmoniou ken nerzuz  
Er c'heriou koulz hag er meziou  
A ra kalz vad d'an eueou.

13

Mes ar galoun zo en ho kreiz  
Zo bet ato d'an Arvoriz,  
D'an Arvoriz tud rust, kalet,  
Yac'h a galoun, eun a spered.

14

Conk, Eussa, Batz ha Molenez,  
Sizun, Goaien, Douarnenez  
Deoc'h hen-deuz roet ar pezh vella  
Euz he vuez ha roet gant joa.

15

Na pebez den, martolodet,  
E hon abostol benniget  
Pa gemer da gador zarmoun  
Eur vag lusket var ar mor doun!

16

Prezeg a ra ar Binijen  
Hag eb damant ar bec'heurien  
Evit kastiza ho memproù  
A zaubleg kerdin ho bagou.

17

Hentchet varzu Douarnenez,  
Gant he vam dener ar Verc'hez,  
Michel a ra labour ar Zent  
Hed ouспен pemp bloaz varn'ugent.

18

Pa zone kloc'hik dom Michel  
Ha pa gane eur vers santel  
An holl var he lerc'h a rede  
En dro dezhan en em vode.

19

Neuze gant dousder hag ijin  
Ha dre vertus ar c'hras divin  
Gant he c'hoar Mac'harid Nobletz  
E kelenne tud ar barrez.

20

He gomsion flour 'vel gliz an Be  
A zaoure mad douar Kerne  
Rak e plas grision ar pec'hed  
E sav vertuziou kaer meurbed.

21

Ne glevet a bep tu bemdez  
Nemet ar c'hantikou nevez  
Kanet var eun ton dudiu  
D'ar Zent, d'ar Verc'hez, da Jezuz.

22

Karet gant tud Douarnenez  
Michel en em blij en ho zouez;  
Mes en despet d'he rann galoun  
E rank distrei da vro Leon.

23

E porzik Conk, e tal ar mor  
An den santel a gav goudor;  
En eun ty paour, enk ha distro  
E vev humbl betek ar maro.

24

Mar de torret dre ar gosni  
Ha brevet he oll izili,  
E chomet drant, lem a spered,  
Ehan da gelen ne hell ket.